




875



宛陵先生集

五



Inches

1 2 3 4 5 6 7 8 9 10 11 12 13 14 15 16 17 18 19 8

Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black

宛陵先生集目錄卷第二十一

和劉原甫過子飲 送楊秀才下第歸

送門人游江西 春先生入春日即事

送楊職方信州作 送劉太水穎州作


和水叔共篇 送劉次呈同舍


代楊編言 有在星子草

禁中程紅世許 世都幾桃花

啼鳥 笑開紅叔遺酒

和景仁煇恭園興 游運義閣後樂欄





宛陵先生集目錄卷第二十

和劉原甫過予飲 送湯秀才下第歸

送門人游江西 荅來上人春日卽事

送楊職方信州倅 送勾太丞潁州倅

和來叔六篇 詳定幕次呈同舍

代鳩婦言 看花呈子華

禁中鞞紅牡丹 和鄰幾桃花

啼鳥 次鬪縉叔遺酒

和景仁殿幕閒興 游延義閣後藥欄

龍栢

延義閣牡丹

奉呈諸君

細竹

夜賦

三月九日迎駕

浹日

宮槐

景福殿醉醺花

詩癖

石詠

逾旬

晨起

金沙花

賜食

賜酒

賜書

賜燭

賜果

檜詠

柳絮

殿後書事

雨夜

景福殿水

雨後

象戲

再觀牡丹

白牡丹

紫牡丹

七寶茶

庖烟

省中


天上

明月

再賦

殿中柳絮

目錄終



宛陵先生集卷第二十

宋宛陵梅堯臣聖俞著

次韻和劉原甫紫微過予飲酒

所居汴水近未有鼓吹蛙昨日春雨晴車騎臨  
 我家我家苦僻遠庭下無泥沙爲撒甕面醅爲  
 煎鷹爪茶乳羹芼紫莖蜜果飢乾瓜與我相對  
 飲但恨諸友遐笑語雖同昔放浪不少加忽觀  
 壁間字坐歎目昏花公壯尚若此我老死豈賒  
 門前賣桃李呼買婀娜華東簷大槐樹上有鳥

卷二十一  
崔諱恃舊無猜嫌醉弁已傾斜將去還見規禮  
數何檢差後從江韓來視帶歡莫涯

送湯延賞秀才下第歸

參差綠柳上撩亂黃鸝飛失意暫時屈獨嗟千  
里歸淮船行欲駛江鮒去應肥謝眺吾鄉守欣  
欣見綵衣

送門人歐陽秀才游江西

客心如萌芽忽與春風動又隨落花飛去作西  
江夢我家無梧桐安可久畱鳳凰巢在桂林烏

哺不得共無忘桂枝榮舉酒一以送

答來上人春日卽事

南國三衣客王城一見春花明馳道遠雨漲御  
溝新茗憶山中物雲懷嶺上鄰如何異鄉感却  
出解空人

送楊申職方通判信州

從來饒信吏愛寶襲修越莫買冰王盤蒼山斲  
明月明月有時生窮巖有時竭君常抱清節歷  
職老無闕與我年齒同獨未變華髮又爲江外

行畫舸美明發

送勾諶太丞通判潁州

潁川倒灣流欄船由轉鈎吏逆如太守民望亞  
諸侯芳圃深通野寒湖半抱州前賢多舊迹佳  
詠聽君畱

和永叔六篇

嘉祐四年春 御試進士翰林學士歐陽永叔  
韓子華集賢校理江鄰幾同爲詳定官有詩六  
篇出而使于和焉

詳定幕次呈同舍

苑樹天邊雨露勻群公偷看錦叢新眼穿欲折  
無由折賞到人間不是春

代鳩婦言

不如作蠶依蠶族以絲自裹還自足與爾爲婦  
過一生怒卽分飛同轉目辛勤哺雛寄鵲巢子  
母生離因爾逐羽毛曾未顏色衰飲啄不計豐  
儉時天陰輒遣呼輒歸恩情紙薄誰信之朝爲  
夫婦夕行路世間反覆那能知伋妻白母非美

事後代放此誠堪悲

看花呈子華內翰

時不選數老獨嗟鬢毛未變目未花愛公深殿  
見桃李長才高詠無能加紅英灼灼弄日色穠  
艷皎皎生鉛華長廊垂幕風不動映柳黃鶯吟  
未涯燕銜新泥補巢缺蝸壓峻陞臨角斜是時  
唯聞鳥雀鬧盡日不聽車輪譁雖傳此景無分  
到但訝習慣猶豪誇他年造物儻有意不使齷  
齷居貧家

禁中鞞紅牡丹

洛中花之奇者

與公同是洛陽客今日論年皆作翁一見此花  
知有感衰顏不似舊時紅

和鄰幾學士桃花

深殿有春人到稀武陵雖說昧當時躊躇莫憶  
人間世恐至塵中悔却遲

啼鳥

提胡蘆提胡蘆爾莫勸翁沽美酒公多金錢賜  
醇酎名聲壓時爲不朽百舌子百舌子春泥方

滑滑泥雖滑滑輦道平莫學竹雞言易發深宮  
許爾來報春便是好鳥同其群清聲囀入君王  
耳安用穿叢苦避人桃李無言何所益畢竟有  
謝須紛紛莫以榮華長不歇人間已見程公門  
安不忘危誰可貴貴時能憶困時聞

縉叔以詩遺酒次其韻

雜言

君嘗謂我性嗜酒又復謂我耽於詩一日不飲  
情頗惡一日不吟無所爲酒能銷憂忘富貴詩  
欲主盟張鼓旗百觚孔聖不可擬白眼步兵吾

久師君多賜壺能以遺向口蒲碗傾玻璃醇釀  
甘滑泛綠蟻從此便醉醒無期既以樂吾真亦  
以泰吾身莫問今人與古人

和范景仁王景彞殿中雜題三十八首並

次韻

殿幕間興

宮殿深沉處鶯花爛漫時闐闐曉清吭舊舊發  
朱蕤天上春應早人間日轉遲得賢如漢盛五  
字變周詩

游延義閣後藥欄

授經聞漢帝嘗此講秦餘一日承丹詔同時見  
子虛來游瓊閣外閒傍藥欄初柳絮輕粘履襪  
條澁惹裾解歸巢上燕思寄袖中書此鳥如矜  
慎飛飛與客踈

龍栢

花非龍香葉非栢獨竊二美誇芳蕤苦練不分  
顏色近紫荆未甘開謝遲群公莫以得地貴竟  
費佳句何足思

延義閣牡丹

花中第一品天上見應難近暑多紅藥層城有  
射于生雖由地勢開不許人看天子何時賞宮  
娥捧玉盤

奉呈諸君

參天朱閣峻拂地柳條垂太液綠波漲建章春  
漏遲長人執兵立小豎插花嬉但只逢人說無  
由預此時

細竹

森森漢宮竹託本異孤生玉砌綠根迸朱欄與  
筍平朝烟生密翠晚影漏斜明應待女媧采參  
差鳳瑄清

夜賦

月從東殿生叢竹照脩竦葉間清露滴枝上寒  
禽動間覺萬慮空靜聞嚴鼓重官燭翦更明相  
看應似夢

三月九日迎駕

前殿臨朝百辟回後宮廷閣九重開鳴梢已自

金階出黃屋初迎玉輦來不問偷桃方朔飽誰  
知載戟子雲才群官望幸無名姓只有窮吟許  
外陪

浹日

光陰天上早氣候日邊溫懸疇時過眼飛蟲稍  
入軒看花成子大聞鷲養雛喧每覺瑤池宴風  
飄管吹繁

官槐

漢家宮殿蔭長槐嫩色葱葱不染埃天仗龍旂

穿影去鈎陳豹尾拂枝來青蟲掛後蜂啣子素  
月生時桂並栽我意方同杜工部冷淘唯喜葉  
新開

有折景福殿後醅釀花至者

有鳥嚙花出清香不畏風初從上林發來過未  
央中簇簇霜包密層層玉葉同誰將作美酒醉  
看月生東

詩癖

人間詩癖勝錢癖搜索肝脾過幾春囊橐無嫌

貧似舊風騷有喜句多新但將苦意摩層宙莫  
計終窮涉暮津試看一生銅臭者羨他登第亦  
何頻

石詠

君王愛石醜百孔皆相通怪狀一如此補天有  
何功匪言不可轉安得來宮中女豈比桂礎瑩  
然受磨礱

逾旬

重說已經旬應懷獨寢人通宵彈玉枕白晝拂

牀塵幾想迎雕輦何當快倦身門前車馬立疑  
是角生輪

晨起

月向西樓下天光候日開殘星明寶鑑百舌響  
宮槐玉井傳新汲金爐換宿灰黃門馳有詔唱  
第許卿來

金沙花

金有披沙得花應不可多栽培由地力艷色與  
天和玉座君王賞朱欄將相羅稱觴千萬壽繁

葉柰香何

賜食

誰言出相是山東今日求賢欲致功玉饌滿盤  
來禁裏鵠羹分鼎下天中但知愷弟鼎君賜舊  
訝權輿向國風曾笑侏儒飽欲死宜思薇蕨不  
忘忠

賜酒

時頒光祿酒花出漢宮墻湛露承天渥流霞落  
羽觴近親龍尾道遠襲雀頭香瀟殿人誰見終

知曼倩狂

賜書 善經二字

選來金殿盡英豪 帝筆親承始是遭  
就裏少年唯賈誼其間蜀客乃王褒  
善經有意尊儒甚 推澤方知待士高  
歸付子孫傳百世深堂間挂亦蕭騷

賜燭

天子賜燭昏夜時嫦娥閉月栽桂枝  
稱量高下唯妍辭相與盡心無附離  
求安去病如上池照

耀不容毫髮私品藻一定何可移  
光焰奪畫資爾爲宣王徒美庭燎  
詩魏帝自徹月殿披我朝好士萬古  
垂搜索賢俊登蒿藜孰不力吐肚膽  
脾枉用晏飲生脛脂雲龍將見升駸  
駸然此必欲無所遺收殘喜氣如蒸  
炊蜜蜂慙愧空多知

賜果

前日宮醪賜玉尊今朝待果小黃門  
乾桃熏李非時物置案盈盤不次恩  
投以赤心思武帝握同玄璧詠劉琨  
嘗聞食莫陳王業知是幽公幾

世孫

檜詠

文章老重欲追古便作帝宮蒼檜詩青葱玉樹  
傳揚子盤屈洪桃見左思龍鱗已愛松身直珠  
實還看栢葉垂秀木艷叢那可擬但將霜雪定  
堅矣

柳絮

陶令生涯漉酒巾門前種柳萬條新花今吹作  
蓬萊雪曲舊得於關塞人應與殘紅閑是伴不

隨舞蝶去爭春可憐輕質都無定一落銀河莫  
問津

殿後書事

天子尋常幸直廬裏頭宮女捧雕輿紅泥已賜  
春醅酒黃帕曾經御覽書林果鳥應嚙去後燕  
窠蟲有落來餘禁中事事能傳詠播在人間不  
是虛

雨夜

電光初照樹我我葉上微風與雨和玉腕愁聞

無處柰庭花暗落不應多長楊靜響千重瓦太  
液寒生幾寸波洗濯青春如有意平明濕羽未  
離柯

景福殿水

宮井蛟龍天矯垂曉鉞初汲渴禽窺清泠已向  
金盆貯甘滑還從玉椀知九醞酒醇由此得小  
團茶味爲留遲閣門地脉應相似翰苑曾邀詠

昔詩

歐陽永叔曾邀  
余賦閣門水

雨後

新晴殿閣曉初日霧煙中柳重宮腰弱花肥粉  
頰豐渥恩君自厚藜藿我纔充草木欣欣發誰  
知造化功

象戲

象戲本從碁局爭後宮龜背等人情今聞儒者  
飽無事亦學婦人閑闔明堂上有竒誰可勝罇  
中賭酒令方行直驅猛獸如尋邑何似昇平不  
用兵

再觀牡丹

聞說偷觀近玉欄  
勝如車轂轉千盤  
無人憶著洛陽日  
走馬魏王堤上看

白牡丹

白雲堆裏紫霞心  
不與姚黃色鬪深  
聞伴春風有時歇  
豈能長在玉階陰

紫牡丹

葉底風吹紫錦囊  
宮爐應近更添香  
試看沉色濃如潑  
不愧逢君翰墨場

七寶茶

七物甘香雜藥茶  
浮花泛綠亂於霞  
啜之始覺君恩重  
休作尋常一等誇

庖烟

幕歷庖烟出綵油  
欲通雲霧未能周  
濕薪燒盡日停午  
試問霏霏何處浮

省中

漢相家人尚苦疑  
不言溫室樹何枝  
君今坦坦無猜忌  
夸說皇居盡入詩

天上

紫微垣裏月光飛玉佩腰間正陸離天上去來  
知幾日蟠桃結子是歸時

明月


明月已生城上頭小星光滅大星流來朝放榜  
出宮去何處殘花轉入溝

再賦


誰人重詠大刀頭只願長明不願流縱使西傾  
必東出寧同寒水瀉宮溝

殿中柳絮

玉几當中寶作牀無端絮惹御袍香群公唱第  
魚龍化列侍金階若堵墻



宛陵先生集卷第二十



宛陵先生集目錄卷第二十一

和景彝春宴

和景彝同飲還省宿

和永叔試諸葛筆

唐書局後得芸香

嘲江翁還接籬

和景彝閣後紫薇花

送李泰伯歸建昌

送林殿丞倅和州

王知章尉河內

送祖擇之赴陝府

中伏日永叔遺冰

和永叔送擇之赴陝

送施緯秀才下第

送張山甫武功簿

送微上人歸天台

寄天台梵才上人

送李信臣尉節縣 送王巡檢之定海

劉公同飲永叔家 來上人歸宣城

始作鷺子巾 謹賦

送侯孝傑殿丞簽判潞州

送張子野知虢州 送尹駕部監靈仙觀

送朱戶曹之廣德 次韻和永叔

送王司徒定海監酒稅

李端明挽歌三首

和永叔夜聞風聲有感

和永叔石枕與笛竹簟

寄題朱職方新園 和原甫午寢晚歸

三十二弟歸宣城

送刁景純學士赴越州

送宋郎中知商州 定力院賦三學士

和景彝省闈宿齋 送刁景純知會稽

次韻荅王景彝聞余飲

和景彝對月 和景彝西閣獨直

目錄終

宛陵先生集卷第二十一

宋宛陵梅堯臣聖俞著

次韻景彝春宴

法座初瞻戶牖間  
 袞衣垂處見雲山  
 滿斟玉酒傳宣盡  
 齊挿宮花拜賜閒  
 紅線織成庭下毯  
 明珠結出耳中環  
 鬪雞旗底蓬蓬鼓  
 逐勝爭名利害關

次韻景彝三月十六日范景仁家同飲

還省宿

種桃依竹似僊家邀對春風共泛霞席上未觀  
雙舞鳳城頭已覺聚啼鴉忽忽跨馬人歸省幕  
幕生烟樹斂花稚子候門知我醉東方明月照  
扉斜

次韻永叔試諸葛高筆戲書

公負天下才用心如用筆端勁隨意行曾無一  
畫失因看落紙字大小得踈密筆工諸葛高海  
內稱第一頻年直我來我媿不堪七安能事墨  
研欲效前人述懶性真嵇康間坐喜捫蝨是以  
人乞

唐書局後叢莽中得芸香一本

有芸如苜蓿生在蓬藿中草盛芸不長馥烈隨  
微風我來偶見之乃穉彼藟蒙上當百雉城南  
接文昌宮借問此何地刪修多鉅公天喜書將  
成不欲有蠹蟲是產茲弱本積爾發荒叢黃花  
三四穗結實植無窮豈料鳳閣人偏憐葵葉紅

朝景彝獨  
愛葵花美

朝江翁還接籬

江簡云嘗憶張籍詩有恐傍人偷剪樣尋常懶

戴出書堂

何言恐偷樣自是君婦懶五日縫一巾猶道苦

未晚

次韻景彝閣後紫薇花盛開

禁中五月紫薇樹閣後近聞都著花薄薄嫩膚  
搔鳥爪離離碎葉剪晨霞鳳皇浴去池波響鳩  
鵲陰來日影斜六十無名空執筆穎毛應笑映

簪華

送李太白歸建昌

推天以知命自古豈不然桓魋及臧倉嘗毀聖  
與賢後人何蹈之其事實好還君居麻源谷學  
禮如鄭玄聲名久已大籍籍四海傳昨因丞相  
舉便謂升雲烟竭來太學館食貧向三年忽懷  
粉榆下歸思獨綿綿得告許暫往落莫求楚船  
捋髯滄江上仰看饑飛鳶誰識鷓雛志間誦莊  
叟篇喜問里中兒重到舊林泉洗蕩俗塵垢焚

裂跨馬韉不向世路去徒取愁腸煎雞豚粗可  
養禾黍亦足田不慙莎衣蟲以葉自包纏及其  
飽滿時曷異冠貂蟬君意我強寫雖慕何由緣  
送林大年殿丞登第倅和州  
和靜先生負美才族孫今似漢庭枚敗亡項籍  
江邊廟應媿文場戰勝來

王知章尉河內

古縣太行下老槐三四株以言新作吏不似舊  
爲儒黃綬心猶壯青雲志豈無漢朝吾遠祖不

道此官羸

送祖擇之赴陝府

古來分陝重猶有召公棠此樹且能久後人宜  
不忘君從金馬去郡在鐵牛旁山色臨關險河  
聲出地長罇無空美酒魚必薦嘉魴天子憂民  
切行當務勸桑

中伏日求叔遺冰

日色若炎火正當三伏時盤冰賜近臣絡繹中  
使馳瑩澈肖水玉凜氣侵人肌近日多故友分

既能者誰信都顧貧賤物物義不遺念我老且  
病赤癩生枯皮巨塊置我前疑結造化移畏冷  
不敢食有類夏蟲疑雖然已快意何必咀嚼爲  
天子厚於公不使熾毒欺公亦厚於我將恐煎  
熬隨我有舐犢愛自憐小子龜

次韻和永叔贈別擇之赴陝郊

古人相送贈以言今人相送舉以酒酒行殷勤  
意豈踈酒罷躊躇悲更有行當何之來者誰陝  
府兵吏爭迺走壺漿徃徃過函關翰林惜別方

携手自言老大遇知難願得公詩爲不朽公因  
索筆作長謠落落寓言誠十九我慙竹管厠宮  
懸縱合律度應非偶太守西行已不貧忽獲明  
珠盈大斗歸立螭頭未是遲暫向棠陰問遺叟

送施緯秀才下第

君嘗老於敵輕彼群兒嬉堅銳不可恃屢北還  
自疲胸中多奇秘旣卽何所爲東走滄海上夏  
果采荔枝奉親樂無涯豈愧祿仕遲

送張山甫武功簿

洛陽舊交有七人五人已爲泉下塵各家生兒  
爲門戶唯子弟兄先立身我與信都侯獨在喜  
見及祿知天仁昨日聞補武功吏氣調欲與南  
山親少年勉力向職事莫學老貪文字新

送微上人歸省天台

釋子懷慈母吾儒未易輕不尋琪樹去肯向石  
橋行海近雲多潤山高日少晴天恩新賜服書  
字欲傳名

寄天台梵才上人

常觀月從東海出想照石橋旁畔人試問當年  
與今日清光不改只如新

送李信臣尉節縣先歸湖州

梁王吹臺側五月多荷花荷開對翹鷺吳客還  
思家家在水中城四面如鋪霞馬能長相守千  
里獨起嗟補官東海上物景莫言賒

送王巡檢之定海

休淬鷗鷁劔休調鵠血弓平時自壯大何所立  
戰功得兵不滿百防寇滄海東駕船如飛鷗出

入巨浪中苟能勇於此遇敵無廢忠

同梅二十五飲永叔家觀所抄集近事

劉敞

陶公一畝宅尤愛北窓風心遠地誠僻客來尊  
不空觀書太史氏全性市門翁子亦何爲者於  
此清賞同

來上人歸宣城兼柬太守孫學士

李白不賦昭亭山看盡飛鳥雲獨聞我今相送  
一懷想想在謝公窓戶間

始作鷺子巾

裹髻不裹額自名鷺子巾翼覆尾涎涎誰問巢  
由人

謹賦

避暑就高臺不如就賢人賢人若冰雪論道通  
鬼神自言信手書字字事有因往往得遺逸煇  
赫見名臣是日劉夫子拍手氣益振重覩太史  
公吾徒幸來親大笑舉玉杯陶然任天真內樂  
不復熱豈以身爲身

送侯孝傑殿丞簽判潞州

同在洛陽時交游盡豪傑倏忽三十年浮沉漸  
磨滅唯餘一二人或位冠夔高我今存若亡似  
竹空有節人皆欲吹置老硬不可截君自緱山  
來別我不畏熱言作潞從事家貧祿仕切六月  
上太行辛勤非計拙天當氣候涼清風自騷屑  
雖云數日勞斗與炎蒸絕君本公王孫才行實  
修潔鏘鏘發英聲瑩瑩如佩玦是爲君子器終  
見不渝澀相逢未易期夢寐歸鼓柝

送張子野知虢州先歸湖州

未赴虢太守暫歸吳興家吳興近洞庭橘林正  
吹花君當橘柚時摘包帶霜華清甘不楚齒若  
酒傾殘霞谿山小女兒姹姹兩髮丫裏裏上氍  
毹嘈嘈弄琵琶是時與之醉何似走塵沙

送尹瞻駕部監靈僊觀

天地如轉磨屑屑今古人一落大化手團品惟  
其新不幸積不用袞袞同埃塵日月行何窮過  
盡千萬春人生占幾許百歲猶比晨君求瀟山

潛捨去兩朱輪願效陶淵明翦紗爲破巾山前  
溪多鱗山下酒甚醇看雲舉大杓杓造舒州民  
李白嘗愛之死生曾與均此志我亦有更將猿  
鳥親

送朱玠戶曹之廣德軍

南方小兒纔讀書往往得官呵路衢君今五十  
始作掾手板青袍非壯圖况來桐汭水上城折  
腰強顏休歎吁城西古祠能致雨歲不有旱民  
無逋民樂未央君可娛舊俗不與吾鄉殊

次韻和永叔原甫致齋集禧

廟嚮靈祠屬二公齊心相望切朱宮綠渠繚繞  
墀垣水廣沼清泠漲殿風已詠應麟來五時仍  
歌翔鴈雜殊翁遙知畢事期尋勝尚問衰羸未  
厭窮

送王司徒定海監酒稅

悠悠信風帆杳杳向滄島商通遠國多釀過東  
夷少懷鄉寄書遲見日知晨早應聞有海花何  
必樹萱草

端明李侍郎挽歌三首

少年爲侍從名譽竟軒騰每吐曾中鳳寧容筆  
上蠅受釐延漢室被謗過周陵今日泉宮啓師  
臣禮秩增王臣式安威靈  
官豈不爲達其如望未充敏辭傾一代發問詘  
三公猷向承明直思行邵伯風嗟嗟玉樹折埋  
沒彼蒿宮

秋樹無黃鳥蟬聲亦自哀素車新隴去白馬舊  
賓來薤上朝陽露池中歲劫灰短長何足較嗣

子有高才

次韻和永叔夜聞風聲有感

月落夜正黑風起庭槐端窓間星動搖枕上人  
寤歎所歎吹陰雲苦熱彌不歡當其氣莫出曷  
若無衣寒虛堂卧竹簟汗體如露溽驅蚊蕪蒿  
艾寧復襲芝蘭煎灼一如此衰枯誰可完消磨  
任寒暑安有不死丹三伏已過二炎赫應漸殘  
試看蠅蝗蟲辛勤方轉丸馬得從釣舟逆上嚴  
子湍此事人所易謝榮爲獨難誰顧萬古名黑

石持鐫刊風聲不用撼牀頭閒素紈

次韻和永叔石枕與笛竹簟

溪上枕剖龍卵石斲匠篔簹製虵皮紋客從東方  
一持贈竹色蒸青石抱雲磨沙斲骨自含潤飽  
霜弔節無雷塵京師貴豪空有力六月耐此炎  
蒸劇旱風赤日吹熱來大厦高簷任雕飾頭顱  
汗匝無富貧雖有頌冰論官職官高職重冰則  
多日求冰消難更得唯公掃室施枕篔簹迎涼自  
感東方客東方客應非俗昏能使賢人心體適

賢人何以偏伏人天下才名方赫赫我吟困窮  
不可聽晝夜蚊蚋蒼蠅聲蠅如遠雞耳初感蚊  
若隱雷空際鳴葛厨頂綻屋蝎墮菅席中裂麻  
經橫平生賦分只煎炒安有祿玉琉璃清猶勝  
昔年杜子美老走來陽牛餉死因思楊惲廢時  
言但願人生行樂爾公今事業在朝廷去就尤  
當慎終始待公睦足秋風來去奉高談揮麈尾

寄題朱表臣職方真州新園

青窓江上樹杳藹宮前道道側有新園園中無

惡草松隴方在望茅屋聞已考朝廷正急才何  
得言歸老

次韻和原甫閣下午寢晚歸見示

殿閣風來夏日長青林抽嫩見餘芳筆供五吏  
詞休敏籟展雙紋睡正涼故事早歸何獨晚舊  
交新詠尚無忘不言偃仰中園樂還愛眉間喜  
色黃

三十二第寺丞歸宣城因寄太守孫學

士

謝公下車日郡內一登望昭亭山蒼蒼寒谿水  
漾漾句清宛微渾三洲分細浪小艇下灘來群  
鷗舞潭上借問鷗何若水深魚莫向鷗餒猶識  
機魚樂不忘餉子去見太守於我必有訪但寄  
此薄言罇前爲之唱

送刁景純學士赴越州

會稽迎太守舟屋畫粉艫前舟載圖書後舟載  
女樂月出鏡湖心長笛使孤作還見漁者來曾  
令李暮愕吹裂比竹管士果不可度二分學宮

裝艷色闔京洛嘗聞有西子苗裔不相若得郡  
考故跡精絕古所作慎莫爲俗牽乘間數斟酌

送宋郎中知商州

孝孫

商於六百里太守二千石地廣任亦重車建旗  
仍赤嘗聞四老人采芝留舊跡古廟藏空山曾  
無漢羽翼其事有圖畫家傳多典籍願君爲政  
間按覽知疇昔

六月晦日定力院同原父賦送伯鎮景

純樞言三學士

清秋三黃鵠舉翼東來飛鳴聲旣相呼烟水亦  
相依蓬池不暫止太液未言歸酌酒望滄海飄  
飄思菊衣

次韻和景彝省闈宿齋二首

晝日南宮雨後涼齋嚴官重靜於常庭前闌雀  
墮還起欄下秋花落自香看盡雲容天漏碧讀  
殘書秩卷披黃九衢塵土莫能到蕭瑟微風葉  
響廊

新月斜光依約見夜蟬高樹有時鳴曲眉不想

西家樣餒腹還思二子清迭代物華何足較古  
今榮辱豈須驚靜來應覺能間少人事區區逐  
日生

送刁景純知會稽

前有朱翁子後經王右軍至今風俗美自昔誦  
歌聞秦望臨丹戟耶溪漱白雲只應絲管去驚  
動海鷗群

次韻荅王景彝聞余月下與內飲

仰頭看月見新鴻形影雙飛玉鑑中呼我作卿

方舉酒更煩佳句賞高風

次韻和景彝對月

蕭蕭風雨變涼意索索晚雲開斗晴已洗浮埃  
天外靜忽生圓月樹頭明草根蟲穴吟來久屋  
角星河落更清我愧西垣侍臣比景寒霜鬢兩  
三莖

和景彝西閣獨直

池頭鳳皇寒井上梧桐老鳳寒浴已晚桐老脫  
亦早是時有詞臣獨直正視藁嚴嚴代王言落

落奮清藻演成五色絲世作非常實貶如市朝  
撻褻若華袞好四方號令施萬耳昏聾掃此職  
唯其才用居寧草草

宛陵先生集卷第二十一

宛陵先生集目錄卷第二十二

和景彝攝事

和景彝秋興

司徒陳公挽詞

秋思

送葉都官蜀倅

次荅吳內翰遺石器

送張簽判奉寧軍

寄題陽武慶豐亭

酬永叔分遺海魚

送柳知錄大名

送都官虔州倅

秋雷

送蘄春俞寺丞

和原甫白鷺鷁

送劉賢良下第

九日永叔諸公過飲

送鮑都官錢塘倅 送刁國博通州倅

吳資政挽詞二首 九月二十四日大風

二十五日雪 送唐待制北使

送劉學士歸陳州 送陳賢良忠正簽判

送韓寺丞知餘杭 送周學士定州倅

送番禺杜杆主簿 還柳瑾祕詩編

送張殿丞知資陽 丁端公北使

張斯立遂州司理 寄題哀賢亭

荅沈屯田寄茶 送曹崇班駐泊相州

求叔諸公見訪

和原甫陪求叔題枯菊

和求叔飲余家 送獻甫知虹縣

衛尉邵少卿挽詞 和求叔對雪

寄題澤州園亭 送李灝秀才南歸

目錄終

宛陵先生集卷第二十二

宋宛陵梅堯臣聖俞著

次韻景彝奉慈廟孟秋攝事二十韻

闕宮初告饗駕輅已迎秋公袞惟時攝齋廬用  
 爾休椒漿茲往奠鸞馭或來游任姒徽音繼邦  
 家故事脩前期嚴受誓侵曉肅傳騶雞狗歲深  
 戶蚊蠅響暗溝別祠緣相漢舊禮倣宗周蕭氣  
 接庭燎鼓聲通市樓樂章分廟奏牲物用毛柔  
 木主升新座牙盤列庶羞叩階除劔履宿羽動

梧楸錫昨人移俎焚辭漏晷籌豆籩將降陛胥  
史劇奔牛事畢歸烏巷陰餘悔絲油驅車多叱  
咤負檐起歌謳却直中書省重瞻十二旒詞供  
五更敏詔示四方優密議存王體斜封贊禹謀  
勤誠鼎異等潤色闡嘉猷強擬鄴中詠我思康  
樂侯

次韻和景彝秋興

日月機上梭年華東注波未驚涼葉墜已見白  
髮多牧馬歸方健調弓力漸和籬邊賸曉菊陶

令柰貧何

司徒陳公挽詞二首

位至三公有恩加賜謚無再調金鉉鼎屢剖玉  
麟符已歎鸞同穴還嗟鳳欠雛擁途看鹵部誰  
爲畢三虞

公在中書日朝廷百事崇王官多不喜天子以  
爲忠富貴人間少恩榮歿更隆若非笳鼓咽寂  
寞柰秋風

秋思

梧桐在井上蟋蟀在牀下物情有與無節候不相假寥寥風動葉颯颯雨墮瓦耳聽心自靜誰是忘懷者

送葉都官赴蜀州倅

仲舒

每有人之蜀先憑問海棠徒知花底醉不報樹頭芳上馬秋風急登山古路長西南生片月遙想見清光

次韻荅吳長文內翰遺石器八十八件

山工日斲器殊匪事樵牧掘地取雲根剖堅如

剖玉食具與果具待賓良有勗亦將茶具并飽  
罌時出俗公何都贈予金多不入目我家固宜  
之瓦椀居漏屋得此尤稱窮客來無不足唯應  
赤脚婢收拾怨常酷夏席堆青氍冬盤釘旨蓄  
竟無梁肉饌甚愧蕭家錄

送張君儀太祝簽判奉寧軍

社雨燕巢空古陂菱葉老燕去春當還菱枯秋  
不早莫以西風高柝馬亂懷抱指途無幾里駛  
馬一秣草彼美賢王公文章爲世寶笑談樽俎

間勿負風月好

寄題陽武宰王安之慶豐亭

官爲人父母身自奉其親結宇後園中散步以  
怡神寒溫適所適朝夕饋爾珍諸孫同在傍嬉  
戲情各均庭下香草秀梁上乳鳥馴乳鳥名曰  
烏反哺豈不仁香草名曰蘭相襲使之紉二物  
已可知百里風俗淳

北州人有致達頭魚于永叔者素未聞  
其名蓋海魚也分以爲遺聊知異物耳

因感而成詠

孰云北海魚乃與東溟異適聞達頭乾偶得書  
尾寄枯鱗冒輕雪登俎爲厚味向來昧知名漁  
官疑竊位有如臧文仲不與柳下惠從茲入杯  
盤應莫慙鮑肆

送柳秘丞大名知錄

瑾

言今魏都去聽我願少休地息戎馬牧民苦黃  
河流渾渾發西極奮奮入九州自古患決溢于  
今爲瘡疔禹力順而東漢防築其隈完壤非一

日利害經千秋主印無切責治水莫輕謀府公  
山西種貴已為通侯樽酒與歌舞上客共優游

送何都官通判虔州 若谷

楚越封圻接帆檣上下頻商通洲橘熟信到嶺  
梅春白紵歌脩頸金盤饋紫鱗同勤太守職龔  
遂漢名臣

秋雷

春雷不發蟄秋雷不收聲向無一日雨今無一  
日晴昨夕玉女笑閃閃揚目晴雷公與雨師自

取號令明舒慘由上天誕妄推五行日月不粒  
食安問下土耕雖然屋瓦爛還有地茵生損彼  
以益此誰能較人情堯時不無水用禹水乃平  
黎民思堯仁徃徃見於羨猶吾大君意星火立  
水衡水衡雖努力豈將雷雨爭

送俞尚寺丞知蘄春縣

應見言風物于今有貢虵潛蹤遠鼃鼃飲露上  
藜葭清潔一如此傷殘都莫涯君惟修職業男  
未女繰車

和劉原甫白鷺鷥

出注輦國注輦在西海斯中州四十一萬

舟行過西王母三年乃達番禺也

能言異國鳥來與舶帆飄嘗過西王母曾殊北海  
鱗雪衣應不妬隴客幸相饒因憶禰處士舊  
洲蘭蕙凋

送劉定賢良下第赴廣陵令

劉蕢不登科衆口誦其策得者爲之羞聞者爲  
之惜摧歲一時屈論議千古白至今簡篇中一  
字不敢易其言究時病春刺若戈戟引經見大

法非蹈春秋僻我朝屢得人無不陞顯赫乃知  
所中否實命繫通厄中則首公相人情作冠幘  
否則走仕塗人情作履舄秋風廣陵城千里夷  
門客壯心雖暫失美實有時獲恬悵以送君致  
龍翻點額

九日承叔長文原甫景仁鄰幾持國過  
飲

秋堂雨更靜佳菊粲粲芳置酒延群公掇英浮  
新黃心猶慕淵明歸來醉柴桑莫問車馬之去

跡亂康莊

送鮑都官錢塘通判

文鯨游西海夕飛向吳洲朱鼈生明月淵潛未  
可求由來有變化何能計沉浮君子蹈出處誰  
將等隅陬臨水賦二者相送無離憂

送通州通判刁國博

古郡見郎山海雲遮一半陽鳥出滄波光彩臨  
硯按小吏抱牘來磨墨爲點竄豈以島嶼人百  
事皆漫漫朝廷通守任不使守專斷是恐繆其

才民勞乃生亂辛勤雖然多魚鱉莫知筭夜月  
上蓬瀛偷閒舉杯看因行計較足少別休興歎

吳資政挽詞二首

天下文章老爲公地底銘平生懷道德舖寫若  
丹青蒲市一朝罷洛人皆淚零嗟嗟廟堂貴今  
以栢爲庭

栽栽陞土厚自古葬賢人百尺不逢水千年空  
閉春夜臺埋琬琰隴道刻騏驎西望綠纓淚曾  
無幕府賓

九月二十四日大風

秋飈無蹤跡空中聲奔馳枯桑因已驗老病仍  
先知驚沙入破隙危葉墮綠枝幽懷聒不寐山  
岳將恐移

二十五日雪

秋露未爲霜秋空已飛雪著樹增葉危墜叢憂  
菊折平明開戶看斗覺頽簷潔天時莫倉猝誰  
預衣裳設

送唐待制子方北使

王命來天外闕氏坐帳中儀雖聘鄰國禮豈異  
和戎漢使方持節胡人自帶弓唯應沙漠凜不  
減諫臣風

送劉元忠學士歸陳州省親

芸香間秘秩蘇合著新裘公子言歸日天王賜  
問優洽分周太宰禮重漢諸侯拜慶無如樂黃  
金作酒舟

送陳賢良忠正軍簽判

書對三千字恩科第一人鯤魚飛北海龍劍躍

平津直悟聰文主深論險剋臣已能明世弊枉  
作幕中賓

送韓持正寺丞知餘姚

君家二仲父連爲吳越宰錢塘與蕭山治跡應  
無改魚蝦莫狀腥網罟從人采天晴姚江深縣  
鼓朝翻海

送周介之學士通判定州

相公秉文武視卒如嬰兒今往佐其軍豈不重  
撫綏我有愚者慮贈君臨路岐相公居并州托

土曾不疑羌戎起潛變一旦覆我師我師無不  
勇將吏實易之常抱雪耻志此旨君所知兵家  
尤戒貪持重養以威正當土門路自昔屯虎貔  
朔朝及旬望大校飲酒卮未若投單醪共飲河  
水湄古人維其均今人意參差臨事欲之死身  
往心已移上能同其苦下必同安危願君因議  
論茲語何難爲

送番禺杜杆主簿

行識枕榔樹初窺翡翠巢地蒸蠻雨接山潤海

雲文訟少通華語，蟲多人膳庖。不須思朔雪，梅吐臘前梢。

還柳瑾秘丞詩編

吾友蘇子美，聞昔許君詩。子美今下世，令人重嗟咨。當其不得志，泥水蟠蛟螭。未激西海流，安可氣吐霓。吳洲逢朱鼈，腹有百碧遺。他時使我觀我觀，顏怙怙便欲焚筆硯。柰何難爭馳。

送張殿丞吉甫知資陽

單騎欲之蜀，緜衣初過秦。王喬鳧是舄，陶令酒

名巾灞上愁，逢雪襖中喜。見春兩川風物美，不似走京塵。

丁端公北使

出聘天王使，來乘御史驄。馳車看燕婦，貂扇禦胡風。俗與華人似，言從左社通。廚庭觀拜舞，不似未央中。

張斯立遂州司理

自身買馬箠，爲婦置羅離。將出咸陽門，同涉蜀道危。疇昔未祿仕，日夕講書詩。不能青雲高，乃

作黃綬卑前人未遇時往往其棲遲如築九層  
臺始起一板基雖然用功深歲久終莫隳我今  
惜君行無力可致之去勿藉芳草世俗多夸毗

寄題哀賢亭

馬仲龍圖墳前所朔立也

蒼蒼墓門樹亦有黃鳥哀賢者不在世常恨埋  
蒿萊山根入溪泉流響出夜臺東方見子胥助  
濤高崔嵬

荅建州沈屯田寄新茶

春芽研白膏夜火焙紫餅價與黃金齊包開青

荔整碾為玉色塵遠及蘆底井一啜同醉翁思  
君聊引領

送曹測崇班駐泊相州

知君鄴城去歷覽古時蹟我我銅雀臺其下遺  
瓦礫不化鴛鴦飛多近蟾蜍滴哀哉魏武帝雄  
智圖九錫俄聞望西陵作妓向朝夕曾何百年  
間事往如霹靂空餘幾似土陰峭古蘚碧下有  
牧羊人上有狎與癡寒風吹枯草草短聲刺刺  
珠翠為埃塵冠劍埋百尺顏回飲一瓢仲尼不

暖席擁徒食人肝生莫如盜跖令名今猶存焉  
在刻金石我輩當太平白首如戰敵又知爲善  
樂尚媿苟仕籍行行勤撫兵豎威鬪德澤

十一月二十三日歐陽永叔劉原甫范

景仁何聖徒見訪之什

夷門魏公子來過抱關人車馬立市中貴義不  
耻貧市人無不驚此老面黧皴豈將流俗眼能  
辨玉與珉爾後幾千載此賢埋埃塵誰謂四君  
子蹈古猶比辰上馬後苑門訪我東城闥爲公

開蓬戶沽酒焚紫鱗銀杯青石盤共飲不計巡  
薄暮各已醉歡笑頽冠巾來旣無猜嫌去亦無  
踈親曷若世上士惟顧勢力均

次韻和原甫陪永叔景仁聖徒飲余家

題庭中枯菊之什

九日車馬過我庭黃菊鮮重來踰七旬枯萼無  
復妍自非凌霜操枝葉徒相連衰敗未忍去根  
芟尚翹然不意憔悴叢猶爲君子憐固值時節  
晚豈恨地勢偏直如木上蘿綠蔓欲到天一朝

風雲厲零落向暮年至此事乃等高低復何言  
公休誇松柏彭祖與顏淵各不相健羨焉能論  
柔堅願公時飲酒周孔今不泉

次韻和永叔飲余家詠枯菊

今年重陽公欲來旋種中庭已開菊黃金碎翦  
千萬層小樹婆娑嘉趣足鬢頭插藥惜光輝酒  
面浮英愛芬馥旋種旋摘趁時候相笑相尋不  
拘束各看華髮已垂顛豈更少年苔色綠自茲  
七十有三日公又連鑣入余屋堦傍猶見舊枯

叢根底青芽歎催促但能置酒與公酌獨欠琵琶  
彈啄木所歎坐客盡豪英槐上凍鴟偷側目  
盤中有肉鴟伺之烏鳥不知啼背曲諸公醉思  
索筆吟吾兒暗寫于毫禿明日持詩小吏忙未  
解宿醒聊和屬

送李獻甫寺丞知虹縣先歸金陵

今日歸爲美塗金作馬纓願言膏沐婦相望石  
頭城得邑柳堤合還家梅野晴里中多樂事州  
牧是名卿

衛尉邵少卿挽詞二首

位至九卿亞年過七十春桐鄉歸葬日棠樹去  
思人霧裏開蒿隧原邊起石麟地遙徒有淚灑  
向北風頻

買得吳門宅歸來自種花春風未歌徹東岱已  
魂賒昔作千年調今為一日嗟人將鑄美德磨  
石取江沙

次韻和永叔對雪十韻

王月梨梅柳絮粉皆不用

紛紛何亂目凜凜自開門著莫風難定侵凌物

已繁裝成新樹色遮盡古苔痕冷入梁王苑清  
乘衛國軒欺貧凍蓬草增險想轆轤小隙皆能  
及洪爐逼不溫雲衣隨處積水甲等間屯團戲  
為丸轉堆雕作獸蹲豈愁穿破履幸喜有清樽  
誰問諸公子高樓與後園

寄題劉仲叟澤州園亭

城臨太行谷谷暖宜草木既移洛陽花又種阮  
家竹五色雜黃紅一林常翠綠其間廣亭開亦  
欲危榭築春歸百禽噉搏黍及布穀桑上啄椹

食林下窺果熟果收椹已盡飛去不須逐婆娑  
黃楊樹誰謂逢澗縮物猶有進退此理何用告  
余心當效君未有地可卜綴書豈貪樂且以苟  
微祿

送李灝秀才南歸

乘驢雪中來別我千里歸江南梅花發身與越  
鳥飛幾年客大梁著盡篋中衣空餘一束書去  
恨識者稀

宛陵先生集卷第二十二

宛陵先生集目錄卷第二十三

送刁經臣歸潤

贈狄梁公孫

寄曇穎呈求叔

寄題刁氏園亭

次酬求叔

李尚書挽詞

送朱司封知登州

送代州錢防禦

寄題董氏書齋

次鼎求叔

和景彝上元夜

送雷太簡知虢州

和景彝元夕雨晴

早春書局卽事

古意

送李閣使知冀州

郭園梅花

送襄陵李令

詠仲更園中醜石

送趙子淵知潁州

寄題號州吏隱亭

和王舍人憶省中小桃

和原甫社後對雪

和永叔二月雪

聞景彝祿祠廻

和景彝祀高祿書事

和永叔雨中

荅毛秘校

仲更種郁李

和原甫復雨寄永叔

送正仲都官知睦州

續永叔歸田樂

和介甫明妃曲

酬楊太丞見別

贈王尚書挽詞

送陝西都運彭待制

送羅職方知秀州

寄懷州劉使君


劉相公挽詞

送胥太博湖州倅

寄題陽翟希隱堂

賦李學士穀芝蓮

目錄終末



宛陵先生集卷第二十三

宋宛陵梅堯臣聖俞著

送刁經臣歸潤州兼寄曇師

古來山林士一往不復返  
 區區世上名豈畢車  
 自挽前有高山危  
 後有落日晚未知  
 所止息已慕田家飯  
 愛君京口歸萬事不  
 著眼乘馬飾鞍轡  
 乘舟畫屋版長途與  
 白浪健駛固莫限力  
 殫風定時各各繫岸  
 棧寄語老空人青嵯  
 勿鋤剗

贈狄梁公十二代孫國賓

雄雉飛上天，牝雞白日鳴。驅逐鳳皇雛，百鳥不出聲。豈無鷓鴣與鸚鵡，至死莫得爭。孤鶴獨不懼，使風羽翼成。鶴性本君子，嘹唳通太清。至今有其孫，踉蹌田中行。明時與稻粱，重節亦貴名。爾無冲天力，且與鷺鷥并。慎勿啄泥穢，坐使白鷺輕。

寄金山曇穎師呈永叔內翰

江中我峩山上，有道人住風濤響。殿閣雲霧生，席屨道人如不聞。道人如不顧，誰能識此心。來往只鷗鷺，京洛三十年塵埃。一相遇，我與信都公已落衣冠。故平生守仁義，齒髮忽衰暮。世事不我拘，自有浩然趣。未由逢故人，坐石語平素。

寄題刁經臣潤州園亭

新作城邊圃，陂原上下斜。斜竹多劉裕，宅松接戴顓。家山色不須買，江流何處涯。但邀東海月，莫聽五更鴉。

次韻和永叔夜坐鼓琴有感二首

夜坐彈玉琴，琴韻與指隨。不辭再三彈，但恨世少知。知公愛陶潛，全身衰弊時。有琴不安絃，與

俗異所爲寂然得真趣乃至無言期

舜琴曰朕有語舜鬱陶乎孝悌怨則否傲狼愧  
豈無我嘗撫卷歎歎此孟氏書此書有深意仁  
義世久虛公今乃有感其不在茲歟魚躍與鶴  
舞物情曾未殊無情則無應何必問鳥魚

李尙書挽詞二首

相門三世貴家法百年同天子賜恩禮史臣書  
祖風笳聲穿苦霧隴穴啓寒蓬自古焉能免在  
茲是始終

伊水西頭月青山北脚雲夜臺無復曉陰嶺有  
時熏龍劔雙埋沒庭蘭竟鬱芬不知門下客誰  
刻道傍文

送朱司封知登州

駕言發夷門東方守牟城城臨滄海上不馱風  
濤聲海市有時望閭屋空虛生車馬或隱見人  
物亦縱橫變怪其若此安知無蓬瀛昨日聞公  
說今日聞公行行將勸農耕用之上陰晴

送代州錢防禦

堂堂鴈門行赫赫符節分紫塞千里障紅旗十  
萬軍世家王爵貴祖廟將臣勲鍾鼓陳牛酒衣  
裘論典墳呼鷹下青漢牧馬出黃雲竇憲何爲  
者燕然解勒文

寄題廬陵董氏桂林書齋

山東桑柘多江南松桂茂種桑事春蠶栽桂事  
華構嘗聞雲蓋下聚書爲大富徃徃見子孫綠  
天掇星宿掇星星若珠光彩出屋漏秋收萬種  
田作酒日爲壽亦有千里歸錦衣行白晝

次韻永叔乞藥有感

子厚論鍾乳要若鷲翎筒安取啗棗栗謂相出  
山東所產有所美慎勿憑村僮公問我餌藥石  
曰將使礪我餌乃藤根得方非倉公會聞李習  
之其品今頗同此物俗爲賤不入貴品中吾妻  
希孟光自春供梁鴻荏苒歲月久顏丹聽益聰  
雖能氣血盛不療貧病攻何如面黧黑腰金明  
光宮亦莫如學釣緝鉤懸香麝但知烟水樂寧  
計身瘠豐我生無快意豈異抱篤癯公乎忽我

求略辨雌與雄雄赤而雌白由來不同功沙合  
固切似朋好殊未窮長年苟不遇笑殺渭上翁

和王景彝正月十四夜有感

燈光暖熱夜催春天半樓開飲近臣馳道橫頭  
起山岳露臺周匝簇朱輪隔簾艷色多相照下  
馬輕豪各競新我已暮年殊趣嚮濃油一盞按  
邊身

送雷太簡知虢州

牛車讀古書少作游秦客一朝起爲郎華省何

赫赫若有南山雲時時生枕席雲潤不益老呼  
吸乘間隙抱病初駭聞旣愈賴藥石遂請虢太  
守號事簡且適况有三堂存韓詩猶可覲永歌  
復飲酒東平希阮籍

次韻和景彝元夕雨晴

春雲收暮城九陌灑然清星出紫霄下月從滄  
海明車音還似畫鼓響已知晴靜閉衡門卧無  
心學後生

早春書局卽事

薔薇結舊蔓天桃種新紅傷根桃不死著架蔓  
依叢要以玩芳物亦寧負春風誰念太行下移  
谷學愚公

古意

林中卽鹿人常爲虎所卽虎豈援鹿者亦各求  
其食趨利不顧害禍患安可息古來遯世士輕  
彼用智力

送李閣使知冀州

驥裏黃金絡春風北渡河將軍守漢法壯士發

燕歌綠水塘蒲短晴天塞鴈多家聲復年少矍  
鑠笑廉頗

郭園梅花 二月一日

未逢柳條青獨見梅蕊好猶怯春風寒不比江  
南早清香拂酒杯素色欺蓬葆佳人金縷衣唱  
徹嗟身老

送襄陵李令彥輔

李宋丞相妹婿永叔  
少居隨州尚往其家

公相爲近親翰林爲故人親舊各貴顯青袍未  
離身六十去作令豈慕要路津又思漢東歸便

置漉酒中深希陶淵明澹然意已真食棗齒易  
 黃晉俗誠自淳尚不顧隋珠安肯與此鄰送君  
 識君心掃跡向世塵且歸漢東便欲致仕

梅詩

詠劉仲更澤州園中醜石

君家太湖石何從太湖得太湖天東南太行天  
 西北相去三千里雖有何致力古人煩舟車頑  
 質無羽翼竅引木蓮根木蓮依以植秋虵出其  
 中舌吐虹霓色君嘗夸於我怪怪亦特特以醜  
 世為惡茲以醜為德事固無醜好醜好貴不惑

送趙子淵知穎州

舊穀不棲畝新春原鹿饑野荒多寇寇詔發撫  
 疲羸驛騎東風急菑田小雨遲應同漢太守膏  
 澤亦能隨

寄題楊敏叔號州吏隱亭

賢哉號略君守號事頗簡有亭後園中登覽早  
 至晚了了松栢關氣象入醉眼花草發瑣細禽  
 鳥啼睨竟日人不來亦莫去杯盞

次韻王舍人憶省中小桃寄江學士

淺綻燕脂紫蠟芳深斟吳酎白瓊觴鳳池人憶  
去年艷雉省客無今日狂髣髴物華先上苑依  
侑歌吹下昭陽平明社雨莫催促應翫移牀欲

近傍

去歲正聞  
禁中賞花

次韻劉原甫社後對雪

社日遇群飲北風歸馬驕陽烏雲斗晦來燕翅  
難調朝霞侵花冷春陰到地消宿醒無酒解薄  
被覺寒饒爐炭重然獸衣裘更御貂蟄宮蟲復  
閉時鳥腹將枵點綴何多思輕狂不柰飄唯知

妍可玩寧恤氣爲妖剡客偶然興海神非次朝  
唱高仍和寡公又作長謠

次韻永叔二月雪

春雪損萌芽未必摧杞菊我心無愛憎隨分樂  
自足桃李紅間白豈不悅我目杞菊嫩且甘豈  
不飽我腹看花食蔬仍舉杯趁取衰遲鬢猶綠

聞王景彝雪中禱祀還

二月漫漫雪齋宮夜寂寥壇場祠乙鳥桑柘響  
陰臬履帶春泥重駒回廣野驕還批五色詔池

上踏瓊瑤

來帖云絃歌之外  
時復林泉哀鳴

次韻景彝祀高禩書事

聞說郊禩喜氣翔  
曾由乙卯命封商  
今朝鍾鼓登歌祀  
何日熊羆作夢祥  
掃雪野廬風凜凜  
陸壇公衮佩鏘鏘  
君門賜胙予何有  
不似矜誇鳳沼傍

次韻和永叔雨中寄原甫舍人

賴得春巢燕未歸  
高簷終日雨衰衰  
細籠芳草踏青後  
欲打梨花寒食時  
美景已嗟空過盡  
名

園猶許悞相隨  
錦鞍切莫九衢去  
拍拍一如鷺

鴨池

社日曾慎  
赴北園

毛君寶秘校將出京示予詩因以荅之

古城踏成谷不見人馬蹤  
古人豈不行舊跡豈不重  
從何求故步往逐自憧憧  
觀君百篇詩善盡人形容  
毫髮無不似落筆任橫縱  
曷如握明鏡物物目所逢  
贈以東南歸擲去手中筇

劉仲更於唐書局中種郁李

冷局少風景買花栽作春  
前時櫻桃過今日雀

李新搦條紅蓓蕾婀娜含雨勻舊來薔薇叢饒  
借與近鄰始移棧蔓密不慙車下榛日暮綴書  
罷暫賞舉杯跋

和劉原甫復雨寄永叔

堦下青苔欲染衣晴光纔漏又霏微衝風鷺子  
嚙泥去隔樹鶉鴝嗔婦歸乍冷乍陰將禁火自  
開自掩不關扉渾身酸削懶能出莫怪與公還  
往稀

送正仲都官知睦州

每嗟相逢少常苦離別多行行復壯壯往往起  
悲歌古來易水上義士有荆軻捐軀思報恩飲  
恨歌柰何況彼兒女懷牽纏如蔓蘿是以世間  
人鬢髮易番番喜君得郡章東歸隨春波灘上  
巖子祠繫船聊經過其人當漢興富貴不可羅  
足加天子腹傲去釣于河冬披破羊裘夏披破  
草蓑心中小宇宙尤哂獻玉和我慙賤丈夫豈  
異帶面儺未免為鬼笑誰知懼揮訶安得如君  
行收跡已嗟跼空將間歲月塵埃浪銷磨正同

三峽賈盡力向盤渦

續永叔歸田樂秋冬二首

秋風忽來鳴螿蛄  
豆葉半黃陂水枯  
織婦夜作露欲冷  
社酒已熟人相呼  
坎坎擊鼓坐林下  
醉去自有兒童扶  
壯男獨獵南山虎  
中子已扱荒徑  
孤田家此樂樂有餘  
食肉緝皮裘豈無我  
雖愛之乏寸土待買  
短艇歸江湖

北風如刀割寒骨  
穀已成困不倉猝  
任從密雪落交加  
旋採乾薪燒槽拙  
鋤犁滿屋牛在牢  
鵝鴨亂鳴雞亂發  
割烹炊黍待鄰叟  
飽向茅簷閒兀兀  
田家此樂樂無涯  
誰道一生空汨沒  
公希平子定何如  
我效梁鴻終適越

和介甫明妃曲

明妃命薄漢計拙  
憑仗丹青死悞人  
一別漢宮空掩淚  
便隨胡馬向胡塵  
馬上山川難記憶  
明夜月如相識  
月下琵琶旋製聲  
手彈心苦誰知得  
辭家只欲奉君王  
豈意蛾眉入虎狼  
男兒返覆尚不保  
女子輕微何可望  
青冢猶存塞路

遠長安不見舊陵荒

鼎揚愈太丞之壽州見別

疇昔西州謝法曹聲名籍甚我徒勞升沉一府  
已荒冢憔悴兩人猶三毛眼見榮華能幾日心  
知富貴只秋毫淮南魚美香粳滑飽去清吟豈  
不高

贈太子太傅王尚書挽詞二首

周原開隴隧鹵部葬名臣北極履聲絕東朝車  
跡湮歲舟移夜壑棲鵬去承塵共看劉寬墓碑

陰幾許人

平生性忠厚所守必尊君面實賢愚混心惟白  
黑分事光中執法書集右將軍天意若埋沒北  
邙松栢墳

送陝西都運彭待制

塞下兵難去關中粟未多君心同漢帝糧道得  
蕭何函谷馬蹄入渭橋車轍過地形終險固山  
色舊嵯峨不媿先賢傳重聽得寶歌歸來奏天  
子安穩看鳴珂

送羅職方知秀州

陸雲嘗誇千里莼便輕羊酪同埃塵君今得郡  
正千里已患無羊馱此珍乃知南北各所樂乘  
舟不如乘馬惡水邊不見秦羅敷縱有西施肌  
肉薄使君事事未稱意綠水芙蓉定何若

寄懷劉使君

啟

昔我從仲父三年在河內春游丹水上花木弄  
粉黛人誇走馬來盡眼看沒背薄暮半醉歸插  
花紅簇隊使君今少年時往勸耕未安行過樹

下野杏正破類何不學山公酪酲還倒載令人  
知使君心膽不瑣碎切莫懲婦翁慷慨臨并代  
一朝由謗謫雖去此苦愛實計幸不幸豈較進  
與退因書寄此懷繩墨老且悔

贈僕射侍中劉相公挽詞三首

處外諸侯重居朝聖主知祚逢庚子日夢異武  
丁時歸榔關山遠凝笳道路悲欲傳千古跡佐  
世本無爲

古今皆可見富貴不常存歌者未離席弔賓俄

在門朱輪空返轍綠酒尚盈樽人事固如此令  
名貽後昆

歎此微末跡見公三十年貴爲天子相能擇大  
夫賢東第門闌在南州隴隧延立碑思叔子墮  
淚峴山前

送胥平叔太博通判湖州

依依堤邊柳泛泛水中舟舟行無遠近柳影不  
隨流東風欲粉絮相逐江上頭正見魷魚來貫  
條尾脩脩使斫橫刀膾便銷千里愁檣端燕暫

語卽飛入高樓樓中饒客飲共候風色柔明朝  
同掛帆直過南徐州吳地多平湖纜拖明鏡秋  
芙蓉拂雨舫女艇花底謳不羨乘五馬却逢羅  
敷羞此官當此時莫憶塵中游

寄題張令陽翟希隱堂

每讀陶潛詩令人忘世慮潛本太尉孫心遠跡  
亦去不希五斗粟自種五株樹曠然箕山情復  
起濠上趣今時有若此我豈不懷慕

李士元學士守臨邛日有穀一莖九穗

者數本芝數本蓮花連葉並蒂者各一本因賦之

臨邛傳瑞物太守在郡時既多九穗穀復有三秀芝芝以保萬壽穀以豐東菑更看芙蓉葉並蒂照清池

宛陵先生集卷第二十三

宛陵先生集目錄卷第二十四

郭之美忽過

讀蟠桃詩寄子美

孫司諫知鄧州

史尉還烏程

薛宅觀鵬狐圖

寄汶上

蕭著作宰豐城

董簿之信州鉛山

弟得臣簽判越州

李舍人淮南提刑

吳殿丞代州通判

和人喜雨

胥尉之復州景陵

李審言歸鄭州

李舍人見過

春鶻謠

來夢 送淮南李提刑

次道往鄭拜墓 孫太祝亳州簽判

寄靈隱通教僧 李少傅佚老亭

令狐秘丞守彭州 和李舍人寒食

和張應之見贈 哭尹子漸

次道約浴 陳經秘校之信幕

朱太博常州倅 師古邀賦

和中道寶相花 擬陶體手問足

足荅手 目釋

贈葉山人 李廷臣通判蔡州

朱櫻 悼子

懷悲 和中道雨樹

荅永叔寄示 黃敏復尉新城

寄永叔 丞相二章

閱讒校二章 薛八殿丞有遺

師厚來奠其姑 諭烏

弔裴易進士 閒詠呈次道

寄楚州呂濟叔 荅中道小疾見寄

五月五日

送可教僧歸越

和裴如晦雨中

雨中宿三君書堂

和中道雨中見寄

目錄終

宛陵先生集卷第二十四

宋宛陵梅堯臣聖俞著

郭之美忽過云往河北謁歐陽永叔沈

子山

春風無行迹似與草木期高低新萌芽閉戶我  
未知忽聞人扣門手把蟠桃枝問我此蟠桃緣  
何結子遲但笑不復荅問者當自推振衣向河  
朔河朔人偉奇以茲不荅意遲子北歸時

讀蟠桃詩寄子美永叔

韓孟柱文詞兩雄力相當偶以怪自戲作詩驚  
有唐篇章綴談笑雷電擊幽荒衆鳥誰敢和鳴  
鳳呼其凰孟窮苦纍纍韓富浩穰穰窮者啄其  
精富者爛文章發生一爲宮犖歛一爲商二律  
雖不同合奏乃鏘鏘天之產奇怪希世不可常  
寂寥二百年至寶埋無光郊死不爲鳥聖俞發  
其藏患世愈不出孤吟夜號霜霜寒入毛骨清  
響哀愈長玉山禾難熟終歲苦饑腸我不能飽  
之更欲不自量引吭和其音力盡猶勉強嗟我

柱韓徒足未及其牆而子得孟骨英靈空北邙  
誠知非所敵但欲繼前芳近者蟠桃詩有傳來  
北方發我衰病思藹如得春陽欣然便欲和洗  
硯坐中堂筆墨不能下怳怳若有亡老雞觜爪  
硬未易犯其塲不戰輒自却雖奔未甘降更欲  
呼子美子美隔濤江其人雖憔悴其志獨昂昂  
氣力誠尚對勝敗可交相安得二子接揮鋒兩  
交鏘我亦願助勇鼓旗譟其旁快哉夫子樂一  
酌宜百觴乖離難會合此志何由償

孫司諫知鄧州

甫

南陽漢名都其俗尚敦樸亡徒頃爲盜刺史安  
與角田野遂焦熬蒿萊思沃濯茲雖得甘露向  
已苦風雹更張固所重下令未宜數且觀道傍  
碑文字今已剥

史尉還烏程

宏

與君去年別君來竟悲喜乘馬夜訪君備陳昔  
行李五月辭吳中六月渡楊子七月行喪妻是  
月子又死買棺無橐金助貸賴知己嬌兒晝夜

啼幼女飲食止行路况炎蒸悲哀滿心耳青銅  
不忍照憔悴鄰於鬼八月至都下少長疾未已  
一婢復嗑然老媪幾不起君門日預朝僕乘貧  
可耻十月補王畿受代隔歲紀閉門陋巷中悶  
默閱書史初聞君至之如見湖山美今聞君復  
還爲我謝雲水故交儻相問懷抱今如此豈乏  
南飛鴈豈無東下鯉自同嵇康懶作書愁把紙

薛九宅觀雕狐圖

蜀中處士李懷衮手畫皂雕擒赤狐猛爪入頰

林言  
卷二十四  
三  
觜迸血短尾獨俛窮蹄鋪雕爭怒力孤爭死二  
物形意無纖殊一禽一獸固已別硬羽軟毛非  
筆模入君此室見此圖如在原野從馳驅

寄汶上

大第未嘗身一至人猜巧宦我應非彈冠不讀  
先賢傳說劔休更短後衣瘦馬青袍三十載故  
人朱轂幾多違功名富貴無能取亂石清泉自  
憶歸

蕭著作宰豐城

王都二月花正開社雨作陰逆燕子人先春色  
向江南江南春色歸春水拍岸綠波生荻芽晨  
羞聊可助甘旨縣涂爲政子所諳不敢贈言言  
日鄙

董安員外之信州鉛山簿

古岸綠蒲老春帆逆水輕烹鮮聊以芼沂險復  
無程可用茲時樂無將遠道驚曾爲江上客因  
贈北行人

弟得臣殿丞簽判越州

前爲山陰宰

再為會稽行聊問會稽美禹穴遷所探泰望斯  
所紀年代已浸深書碑必亡矣剡溪有樵風其  
事恐非是買臣千載後得無負薪子黃庭昔換  
鵝道士儻不死行當訪其真願以鵝報爾慎勿  
笑我癡萬事難可擬摘筭復盈檐繙魚新出水  
此又食之珍因書悉條理

李舍人淮南提刑

啄木欲除蠹蠹去樹亦撓何須食微蟲爾腹豈  
不飽天下本無事自為庸人擾君實知古深終

勲用傾巧

吳殿丞代州通判

舉才不避勢必也知其長王官誠濟濟豈得佐  
邊疆代郡實雄要昔已選帥良功名乃欲取叱  
馭登太行

和人喜雨

仲冬至仲春陰隔久不雨耕農將夫時萌穎未  
出土帝心實焦勞日夜不安處禱祠煩駿奔盼  
饗杳無補帝時降金輿徧款靈真字百姓知帝

勤變愁爲鼓舞和氣能致祥是日雲蔽午夕風  
不鳴條甘澗忽周晉已見堯爲君安問誰爲輔  
胥員外之復州景陵尉

城隅漢水關正足槎頭編采荇兼登俎施罟不  
貴錢江帆風勢美竹塋雨聲連必有蒼苔碣留  
爲好事傳

李審言歸鄭州

嘗從京索間躍馬望春山氣象歸王國丘陵接  
漢關長榆啼鳥亂細草牧陂間老馱行涂路因

歌送子還

李舍人見過

春泥無處所窮巷少人行忽枉青絲騎曾非白  
面生笑言聊與適雞黍未嘗烹莫歎余貧甚吾  
儕業本清

春鶻謠

春巢纍纍衆鳥哺兒衆鳥不出巢群雛嗷嗷腹  
甚饑不出巢其謂何上有蒼鶻窺其窠問鶻何  
仇鶻不我顧我巢有雛開口待哺一日不擊巢

籬不食爾憂爾籬衆鳥號呼又可吁

來夢

忽來夢我于水之左不語而坐忽來夢余于山之隅不語而居水果水乎不見其逝山果山乎不見其途爾果爾乎不見其徂覺而無物泣涕連如是歟非歟

汴之水三章送淮南提刑李舍人

汴之水分于河黃流濁濁激春波昨日初觀水東下千人走喜兮萬人歌歌謂何大船來兮小

船過百貨將集王都那君則揚舲兮以紉刑科汴之水入于泗黃流清淮爲一致上牽下櫓日夜來千人同濟兮萬人利利何謂國之漕商之貨實所寄我送行舟于水之次春風吹兩旗君作天王使畧客自求魚清江莫相避

宋次道一百五日往鄭拜墓

去不避春雨泣望松栢門颯然風悲響如感泉下魂沃醑向墳土空濕陳草根人歸夜月冷石馬在九原

孫太祝亳州簽判

微風起船尾雨氣生日脚不愁春路泥正泛春  
波樂順去疾鳥飛問程殊我度才名畱守家更  
入尚書幙

寄靈隱通教僧

奇山若洗青草木生石上根萌不可窮條蔓自  
增王其陰有高僧日食惟一盞世人久已踈猿  
鳥應相向

李少傅鄭圃佚老亭

莊生述天理老固當念佚舉世用自勞誰能以  
爲必我公謝鼎司嗣子都華秩代言輟帝右作  
藩輔王室承顏向茲地園宇樂永日佳樹發已  
繁脩竹移未密春禽時弄吭清景付吟筆朱金  
待金構榮美安與匹

令狐秘丞守彭州

挺

前時草草別渺漫二十年從宦各所適非爲道  
路偏今始一相遇言愧少壯前子有萬里翮尚  
不飛雲烟而復走隴蜀欲以條教宣將西過危

棧葉暗聞杜鵑未知爲郡樂預已抱愁煎再來  
與子辭當去復留連且念前期遠歲月實易遷  
依韻和李舍人旅中寒食感事

一百五日風雨急斜飄細濕春郊衣梨花半殘  
意思少客子漸老尋游非戢戢車徒九門盛寥  
寥烟火萬家微今朝甘自居窮巷無限墻間得  
醉歸

依韻和張應之見贈

京洛多游好相與歲月深雖同執一籥吹曲各

異音自微衆音響安感萬物心我窮子來信慄  
慨發長吟

哭尹子漸

其弟師魯守路

故人河內守昨日報已亡同氣泣上黨悲風生  
太行曩爲衆所惜今復人共傷阮藉本真率感  
槩壽不長

次道約食後同敏叔中道平叔如晦詣  
景德浴以風埃遂止

昔思春服成浴乎沂水上仲尼亦所志語此雖

未向子今當是時有意同我尚已邀二三友欲  
往期畢餉倏然風滿途塵土阻清曠安得一振  
衣徒希舞雩唱

陳經秘校之信州幙

東吳海物錯南楚江味多家吳而宦彼風土去  
幾何旣得風土樂可贊政治和歸來識香草爲  
綴楚人歌

朱武太博通判常州兼寄胡武平

昔我陽夏公嘗茲同郡治政餘作東園草木尚

有意豈不務安養斯民歌樂易是時有賢才鄉  
舉堪皇器今方居家廬試質當時事願君思前  
人文雅庶未墜

師厚云蟲古未有詩邀予賦之

貧衣弊易垢易垢少蟲難群處裳帶中旅升裘  
領端藏跡詎可索食血以自安人世猶俯仰爾  
生何足觀

依韻和中道寶相花

嘉卉得所托植君之寢陽開榮同此春淡艷自

生光不爲露益色不爲風盡香節換葉已密尚  
可見餘芳

擬陶體三首手問足

共生一體中出處常相并所動輒有跡何不擇  
地行履曷雖可蔽步武豈無聲嘗思汝爲玉請  
則見直誠

足答手

上下各有分同質實異支要用固爾先當念扶  
我危我則爾獨安何以幸華夷且願縮袖間操

執自有時

目釋

我居元首間分並日月光左右各照曜盲一豈  
相妨尙恐有所警獨見不能強嗟爾手與足何  
爲欲競傷捉馳自有職勿使心悲涼

贈葉山人

傾珍奉賓客傲物去珥貂貴來不以屈飲酒且  
逍遙黃金百鎰盡左右無纖腰但存丹砂術有  
道在一歌

李廷臣通判蔡州

夾路青青草隨君去未休亦將離思遠還共翠  
心抽細藉車輪穩薰牽野蔓柔王孫歸不久冉  
冉莫經秋

朱櫻

明珠摘木末紅露貯金盤始見侍臣賜已爲黃  
雀殘味兼羊酪美食厭楚梅酸苑囿東周盛累  
累映葉丹

悼子

小名十十

舟行次符離我子死阿十臨之但驚迷至傷友  
無泣款定始懷念內若湯火集前時喪爾母追  
恨尚無及邇來朝哭妻淚落襟袖濕又復夜哭  
子痛併肝腸入吾將仰聞天此理豈所執我惟  
兩男子奪一何太急春鳥獨蔓延哺巢首戢戢  
懷悲

自爾歸我家未嘗厭貧窶夜縫每至子朝飯輒  
過午十日九食罄一日儻有脯東西十八年相  
與同甘苦本期百歲恩豈料一夕去尚念臨終

時拊我不能語此身今雖存竟當共爲土

和中道雨樹

一旬苟不雨萬木昏蒼蒼朝見洗林葉動搖生  
輝光晚逢開踈陰枝上漏微陽翠色固以好安  
得無秋霜

末叔寄詩八首并祭子漸文一首因采

八詩之意警以爲荅

昔聞退之與東野相與結交賤微時孟不改貧  
韓漸貴二人情契都不移韓無驕矜孟無覩直

以道義爲已知我今與子亦似此子亦不愧前  
人爲北都健兒昨日至扣門乃得所遺詩上言  
病中初有寄下言我詠蟠桃枝盛衰開落感殘  
杏暮春無事羨游絲班班鳩鳴忽懷念一掃十  
幅無間辭洛川花圖多品目鬪新爭巧始可疑  
讀書又憶石夫子似蠶作蠶誠有之鎮陽歸夢  
北潭北吟此八章誰謂癡最後有文弔尹子壽  
天難問信所悲共書大軸許傳玩一日百展曾  
忘疲報君亦欲齋滿軸恐費紙墨令人嗤

黃敏復尉新城

新城接桐廬山茗久所利江東亡命兒販不畏  
黥劓堂上千金子捕以操兇器恐非吾徒爲勇  
少乃可避

寄永叔

夏日永以靜渴鳥方在枝張口不能言翁翁兩  
翅披庭中有井泉井深無綆縻欲汲假其鄰鄰  
且非我知鴻鷗矯河上比爾得所宜得宜豈不  
樂胡然我念之

丞相二章

丞相之拜冠弁旅至乘馬載驅如彼鉅瀦有鴈  
有鷺有龜有魚烝然來萃翔泳嘯呼

丞相之去乃還印綬乃飭車輪如彼涸津時靡  
翔羽時靡游鱗寂兮寂兮豈有嘉賓

閔讒狡

矯有讒狡讒以戕類狡以媚其貴謂不騫不墜  
謂人莫爾制而死制之誰謂無鬼孰制之死彼  
狡之將死若有以見旣見旣惡之引袂蒙面謂

人莫爾辨而自辨之誰謂無鬼孰俾之譴

薛八殿丞有遺

未嘗營貨負貨負寧爲來俸苦月不足貧死口  
肯開好事忽我恤十千助晨杯薪水已過豐不  
得如顏回

師厚與胥氏婦來奠其姑

雙裾來此室慟哭拜靈牀魂衣想髣髴薄酒湛  
其觴舍悽拊孤稚拭淚問平常我生都無如仰  
看燕在梁

諭鳥

百鳥共戴鳳惟欲鳳德昌願鳳得其輔咨爾孰  
可當百鳥告爾間惟鳥最靈長乃呼鳥與鵲將  
政庶鳥康鳥時來佐鳳署置且非良咸用所附  
已欲同助翺翔以燕代鴻鴈傳書識暄涼鸚鵡  
代鸚鵡剝舌說語詳禿鷄代老鶴乘軒事昂藏  
野鶉代雄雞爪觜稱擅場雀豹代雕鷲搏擊肅  
秋霜蝙蝠嘗入幙捕蚊夜何忙老鴟啄臭腐盤  
飛使游揚鴛鴦與梟鴟待以爲非常一朝百鳥

獸讒鳥出遠方鳥伎亦止此不敢戀鳳傍養子  
 頗似父又貪噪豺狼為鳥鳥不伏獸肯為爾哉  
 莫如且歛翮休用苦不量吉凶豈自了人事亦  
 交相

吊裴易進士

力學未及仕口中已含珠賦命固所負讀書非  
 所辜歛送有兄弟哭泣無妻孥惟此靡薄厚必  
 竟同一途

間詠寄呈次道

我間日貧縛子間數疾纏間固不可常吾觀與  
 子然吾與子嗜學豈獨間窮年安安者誰歟分  
 亦似所偏

寄楚州呂濟叔

亭午鳥不下誰復過我廬忽聞扣門者偶出問  
 何如云是山陽更太守遣置書自惟久窮困游  
 子安念予淮陰况要津賓館無暫虛豈意有所  
 逮委曲情未踈報言愧不覲聊以謝與居

荅中道小疾見寄

稽康性彌懶曾不廢養生子姑當妙年何乃勞  
其精老耽有至論身孰親於名詩本道情性不  
須大厥聲方聞理平淡昏曉在淵明寢欲來於  
夢食欲來於羹淵明儻有靈爲子氣不平其人  
實傲佚不喜子纏縈吾今敢告子幸願少適情  
時能與子飲莫惜倒餅罍

五月五日

屈氏已沉死楚人哀不容何嘗奈讒謗徒欲却  
蛟龍未泯生前恨而追沒後蹤沅湘碧潭水應

自照千峰

送可教僧歸越

萬事馱尋常羨慕每不足居南多北思在遠慙  
近俗旣來橘變枳但見空條綠氣味誰復論孤  
根逗崑曲

和裴如晦雨中過其二兄易居

人亡雨館寂車馬偶來臨濕衣添新淚故物傷  
夙心淒淒庭下樹萬葉起哀音此地嘗對語在  
昔豈知今

雨宿謝胥裴三君書堂

急雨射窓鳴燈殘我正寢  
兀蚓聲苦長流響入  
孤枕衆醉如不聞強聒亦已甚  
夜短竟無寢困  
瞳劇塵礮

和中道雨中見寄

雨淫上復落雲暗不少開  
泥將沒馬脰思子日  
幾迴我旣不可往子亦不可來  
屋漏又苦甚巾  
舄生莓苔安肯問農畝  
唯憂無酒材但能置醇  
酌莫負吾樽壘

卷第二十四

